

\tit 1878-Land article. Land, Henry, Tr. "Kometv momet Enhopoyetv." Indian Journal, April 3, 1878. Microfilm, State Historical Society of Wisconsin.

Kometv momet Enhopoyetv.

Mekusapv toyvyate ! kometskeko haks ? Kometskekos, komvkot os. Heyv vpohkv hvmkat, este es em 'pohve vtekat, "Hekos," makvte sekot os. Pum etohkviketv cukpe-rakko sulket, Mekusapv toyvyate ! homat sulkes, momen cukpe-rakko sulket mekuksv-sekon oh vpekvte sulkes. Momen mv, Mekusapv hakeyate ! komakis, hakvkvte sekot vpeyes. Estoman ome haks? Heyvn omes. Hvse-vkerkuce hvmkuis mekusapv haketv enhopoyvkekan.

Cesvs yvmv ekvnnv arof, este-hunvnwv mvnnett mekusapv haket eyacvtes, Mehenwusen, lvpken eyacvtes, momet letket ayet, Hesayecv ele tempen res en tvk latkvtes, heyv vpohkv ; "Pucase heretskate vtoketv estomen vtokvyat hesaketv yuksv-sekat epoyvye taye haks ?" Momis mekusapv haketv enhopoyekates, mv hvsevkerkv. Mv ohonkv ocat pohof, efeke nokket yv emvhayv en kvpakvtes.

Hesaketvmese tat mekusapv haketv komatskvren ce kvcvkekot os. Mv opunkv etteko taye ocatskat esenheren, naket cem eyackv take tat kerret os. Momis cen huehkvket, "Mekusapv haketv enhopoyepvkes," ce kicvket os. Momet cem punayvkat, "Hiyomof, estimv em vtokvranatskat enhopoyepvkes," ce kicvket os. Momen enhopoyatskes. Mv enhopoyatskat nake tarhaks ? "A vc oh vwetv komatskekot omes, hesaketv ocatskvren," Pucaset ce kicvkv haks ?

HENRY LAND Tr.

Tullahassee, March 29th, 1878.